

七十二家集

盧武陽集引

盧子行高步文壇其在齊  
季便欲倒曳驚蹊蹠于花  
心之上李公輔與俱歷三朝  
即七寶莊嚴渠不肯從林  
下立也史謂子行多所凌

鑠故官塗淪滯然與其縱  
誕自豪玩世取蹶不猶愈  
于伊優自畜諧世致颺乎  
托根亂朝播遷云屢而孤  
詣不衰聽鳴蟬之詩孤鴻  
之賦彌覺其淒切焉叙述

興亡固過秦之留蹤牽率勞  
生乃樂志之對境筆鋒芒寒  
所遭激之也唐張燕公作碑  
曰臨難無懼在黜無愠國華  
人望照映鄰邦是善貌子  
行者其叙衙稱齊黃門侍

即而不及隋官殆推本所  
始耶

紹和張燠撰并書

盧武陽集目錄

卷之一

賦

孤鴻賦

有序

納涼賦

樂府

有所思

日出東南隅行

權歌行

美女篇

升天行

神仙篇

河曲遊

城南隅宴

蜀國弦

採蓮曲

從軍行

詩

駕出園丘

贈李若

贈別司馬幼之南聘

贈劉儀同西聘

遊梁城

從駕經大慈照寺

春夕經行留候墓

上巳禊飲

夜聞鄰妓



賦得珠簾

彭城王挽歌

樂平長公主挽歌

贈李行之

後園宴

聽鳴蟬篇

顏之推同賦附

卷之二

檄

爲隋檄陳文

表

北齊爲百官賀甘露表

書

爲高僕射與司馬消難書

序

從駕大慈恩寺詩序

論

北齊興亡論

卷之三

論

後周興亡論

勞生論有序

誄

盧記室誄

祭文

祭灤湖文

文

遼陽山寺願文

附錄

盧思道傳

唐魏徵

齊黃門侍郎盧思道碑

唐張說

遺事

集評

廬武陽集卷之一

隋范陽盧思道子行著

明閩漳張 燮紹和纂

賦

孤鴻賦

有序

余志學之歲自鄉里遊京師便見識知音歷受  
羣公之眷年登弱冠南就朝列談者過誤遂竊  
虛名通人楊令君邢特進已下皆分庭致禮倒  
屣相接翦拂吹噓長其光價而才本駑拙性實

疎嬾勢利貨殖淡然不營雖籠絆朝市且三十  
載而獨往之心未始去懷抱也攝生外和有少  
氣疾分符坐嘯作守東原洪河之湄沃野彌望  
顰務旣屏魚鳥爲鄰有離羣之鴻爲羅者所獲  
野人馴養貢之於余置諸池庭朝夕賞翫旣用  
銷憂兼以輕疾大易稱鴻漸於陸羽儀盛也楊  
子曰鴻飛冥冥騫翥高也淮南云東歸碣石違  
滌暑也平子賦曰南寓衡陽避祁寒也若其雅  
步清音遠心高韻鵷鷺以降罕見其儔而鍛翮

光陰偶影獨立唼喋糝粃鷄鶩爲伍不亦傷乎  
余五十之年忽焉已至永言身事慨然多緒乃  
爲之賦聊以自慰云其詞曰

惟此孤鴻擅奇羽蟲實稟清高之氣遠生遼碣  
之東翮毛將落和鳴順風壯冰云厚矯翅排空  
出島嶼之絲邈犯霜露之溟濛驚絳魚之密網  
畏落鴈之虛弓若其斗柄東指女夷司月乃遙  
集於寒門遂輕舉於玄闕至如天高氣肅播落  
在時旣嘯傳於淮浦亦弄吭於江湄摩赤霄以

凌厲乘丹氣之威爽遡商飈之嫋嫋翫陽景之  
遲遲彭蠡方春洞庭初綠理翮整翰羣浮侶浴  
振雪羽而臨風掩霜毛而候旭饜江湖之菁藻  
飮原野之菽粟行離離而高逝嚮嗷嗷而相續  
絜齊國之冰紈皓密山之華玉若乃晨沐清露  
安趾徐步夕息芳洲延頸乘流違寒競逐浮阮  
水宿避暑言歸絕漢雲飛望玄鵠而爲侶比朱  
鷺而相依倦天衢之溟漠降河渚之芳菲忽值  
羅人設網虞者懸機永辭寥廓蹈迹重囿始則



窘束籠樊憂憚刀俎靡軀絕命恨失其所終乃  
馴狎園庭栖託池籩稻梁爲惠恣其容與於是  
翕羽宛頸屏氣銷聲滅煙霞之高想闕江海之  
幽情何時驤首奮翼上凌太清鸞鶴鼓舞遠薄  
層城惡禽視而不貴小鳥顧而相輕安控地而  
無耻豈冲天之復榮若夫圖南之羽偉而去羨  
栖睫之蟲微而不賤各遂性於天壤弗企懷以  
交戰不聽咸池之樂不饗太牢之薦匹晨雞而  
共飲偶野鳬以同膳匪揚聲以顯聞寧校體而

求見聊寓形乎沼沚且夷心於澹沱齊榮辱以  
晏如承君子之餘眚

納涼賦

祝融司方朱明扇序氣乃初伏節惟徂暑積  
熾蒸於簾櫳流煩溽於園籓陽風洪其長扇火雲  
赫而四舉爾乃警六御按三條擊鼙鼓吹鳳簫  
雲車錯轂麟馬齊鑣入雲宮之巉巖登仙觀之  
岩嶷引雄風於洞穴承清露於丹霄動颼颼於  
翠帳散霏微於綺寮

樂府

有所思

以下  
五言

長門與長信憂思並難任洞房明月下空庭綠

草深怨歌裁潔

一作  
純

素能賦受黃金復聞隔湘

水猶言限桂林淒淒日已暮誰見此時心

日出東南隅行

初月正如鉤懸光入綺樓中有可憐妾如恨亦

如羞深情出艷語密意滿橫眸楚腰寧且細孫

眉本冰愁清玉忽當取雙銀詎可

一作  
肯

留會待

東方騎遙居最上頭

櫂歌行

秋江見底清  
越女復傾城  
方舟共採摘  
最得可憐名  
落花流寶珥  
微吹動香纓  
帶垂連理濕  
櫂舉木蘭輕  
順風一作避人傳細語  
因波寄遠情  
誰能結錦纜  
薄暮隱長汀

美女篇

京洛多妖艷  
餘香愛物華  
俱臨鄧渠梁一作塢  
水共採鄴園花  
時搖玉明扇  
聊駐七香車  
情踈看笑

淺嬌深眇欲斜微  
津染長黛新溜濕  
輕紗翼言人未解  
隨君獨問家

升天行

尋師得道訣輕舉  
厭人羣玉山候王  
母珠庭謁老君  
煎爲返魂藥刻作  
長生文飛策乘流  
電雕軒曳彩雲玄  
洲望不極赤野眺  
無垠金樓旦嶮嵯  
峨玉樹曉氛氲擁  
琴遙可聽吹笙遠  
詎聞不學蜉蝣子  
生死何紛紛

神仙篇

浮生厭危促名岳共招携雲軒遊紫府風駟上  
丹梯時見遼東鶴屢聽淮南雞玉英持作寶瓊  
實採成蹊飛策揚輕電懸旌耀彩靈瑞銀光似  
燭靈石髓如泥寥廓鸞山右超越鳳洲西一丸  
應五色持此救人迷

河曲遊

魏文帝與吳質書曰  
時駕而遊北遵河曲

鄴下盛風流河曲有名遊應徐託後乘車馬踐  
芳洲丰茸雞樹密遙裔鶴煙稠日上疑高蓋雲

起類重樓金鷄自沃若蘭棹成夷猶懸匏動清  
吹采菱轉艷謳還珂響金埒歸袂拂銅溝唯畏  
三春晚勿言千載憂

城南隅讌

曹子建贈丁翼詩曰吾  
與二三子曲讌此城隅

城南氣初新才王邀故人輕盈雲映日流亂鳥  
啼春花飛北寺道絃散南漳濱舞動淮南袖歌  
揚齊后塵駢鑣歇夜馬接慘限歸輪公孫飲彌  
月平原讌浹旬卽是消聲地何須遠避秦



盧武陽集

卷之一

七

蜀國弦

西蜀稱天府由來擅沃饒雲浮玉壘夕日映錦  
城朝南尋九折路東上七星橋琴心若易解令  
客豈難要

採蓮曲

曲浦戲妖姬輕盈不自持擎荷愛圓水折藕弄  
長絲珮動裙風入妝銷粉汗滋菱歌惜不唱須  
待瑱歸時

從軍行七言

朔方烽火照甘泉長安飛將出祁連犀渠玉劍  
良家子白馬金羈俠少年平明偃月屯右地薄  
暮魚麗逐左賢谷中石虎經衡箭山上金人曾  
祭天涯一去無窮已薊門迢遞三千里朝見  
馬嶺黃沙合夕望龍城陣雲起庭中奇樹已堪  
攀塞外征人殊未還白雪初下天山外浮雲直  
上五原間關山萬里不可越誰能坐對芳菲月  
流水本自斷人腸堅冰舊來傷馬骨邊庭節物  
與華異冬霰秋霜春不歇長風蕭蕭渡水來歸

鴈連連映天沒從軍行軍行萬里出龍庭單于  
渭橋今已拜將軍何處覓功名

詩

駕出園丘

以下  
五言

開年簡時日上辛稱天吉平曉禁門開隱隱乘  
輿出乘輿出九重金根御六龍章移千乘動旒  
舉百神從黃麾引朱節靈鼓應華鐘神歌已相  
續神光復相燭風中颺紫煙壇上埋蒼玉

贈李若

初發清漳浦春草正萋萋今留素滌曲夏水已  
成蹊塵起星橋外日落寶壇西庭空野煙合巢

歷代詩集 卷之六  
深夕羽迷短歌雖裂素長吟當執珪寄語當窓  
婦非關惜馬蹄

贈別司馬幼之南聘

故交忽千里輜車蒞遠盟幽人重離別握手送  
征行晚霞浮極浦落景照長亭拂霧揚龍節乘  
風遡鳥旌楚山百里映吳江萬仞清夏雲樓閣  
起秋濤帷蓋生陸侯持寶劒終子繫長纓前修  
亦何遠君其最令名

贈劉儀同西聘

開邛昔柔遠賓越盡招携豈若馳天使玉節撫  
遺黎五祠臨渭北雙嶺帶峭西故關看金馬餘  
壇聽寶雞垂絲被柳陌落錦覆桃蹊分袂俄易  
慘離思實難齊極野雲峰合遙嶂日輪低塵暗  
前旌沒風長後騎嘶灞陵行可望函谷久無泥  
須君勞旋罷春草共萋萋

### 遊梁城

揚鑣歷汴浦廻扈

一作  
羈

入梁墟漢藩文雅地清

塵暖有餘賓遊多任俠臺苑盛簪裾歎息徐公

劍悲涼鄒子書亭臯落照盡原野  
沍寒初鳥散空城夕烟銷古樹疎  
東越嚴子陵西蜀馬相如修名竊  
所慕長謠獨課虛

從駕經大慈恩寺

北齊時作

玄風冠東戶內範軼西陵  
大川開寶匣福地下金繩  
繡栢高可映畫棋疊相承  
日馭非難假雲師本易憑  
陽室疑停燧陰軒類鑿冰  
迴題飛星沒長楸宿露凝  
旌門曙光轉輦道夕雲蒸  
山祇効靈物水若薦休徵  
薄命叨恩紀微軀竊自陵

優游徒可恃周賚永難勝

春夕經行留侯墓

少小期黃石晚年遊赤松應成羽人去何忽掩  
高封疎蕪枕絕野邐迤帶斜峰墳荒隧草沒碑  
碎石苔濃狙秦懷猛氣卽漢挺柔容盛烈芳千  
祀深泉閉九重夕風吟宰樹遲光落下春遂令  
懷古客揮淚獨無蹤

上巳禊飲

山泉好風日

一作景

城市壓囂塵聊持一樽酒共



尋千里春餘光下幽桂夕吹舞青蘋何言出關  
後重有入林人

夜聞鄰妓

倡樓對三道吹臺臨九重笙隨山上鶴笛奏水  
中龍怨歌聲易斷妙舞態難逢誰能暫留客解  
佩一相從

賦得珠簾

鑑帷明欲歛照檻色將晨可憐疎復密隱映當  
窻人淨清帶遠吹含光動細塵落花時屢拂會

待玉階春

彭城王挽歌

旭旦禁門開  
隱隱靈輿發  
纔看鳳樓迴  
稍視龍山沒  
猶陳五營騎  
尚聚三河卒  
容衛儼來歸  
空山照秋月

樂平長公主挽歌

班婕妤對馳道  
吹臺臨景含風入  
上春朝月滿涼  
秋夜未言歌笑畢  
已覺生榮謝  
何時洛水湄  
芝田解龍駕

贈李行之

行之風素夷簡爲士友所稱思道是其舅子嘗贈詩時人以爲實錄

水衡稱逸人  
潘楊有世親  
形骸預冠蓋  
心思出風塵

後園宴

以下  
雜言

常聞崑閬有神仙  
雲冠羽佩得長年  
秋夕風動三珠樹  
春朝露濕九芝田  
不如鄴城佳麗所  
玉樓銀閣與天連  
太液回波千丈映  
上林花樹百枝然  
流風續洛渚  
行雲在南楚  
可憐白水神可

念青樓女便妍不羞誰妖艷王言語池苑正芳  
菲得戲不知歸媚眼臨歌扇嬌香出舞衣纖腰  
如欲斷側髻似能飛南樓日已暮長簷鳥應度  
竹殿遙聞鳳管聲虹橋別有羊車路攜手傍花  
叢徐步入房櫳欲眠衣先解半醉臉逾紅日日  
相看轉難厭千嬌萬態不知窮欲知妾心無劇  
已明月流光滿帳中

聽鳴蟬篇

聽鳴蟬此聽悲無極羣嘶玉樹裏迴噪金門

一作

堤

側長風送晚聲清露供朝食晚風朝露實多  
宜秋日高鳴獨見知輕身蔽數葉哀鳴抱一枝  
流胤罷還續酸傷合更離慙聽別人心卽斷纔  
聞客子淚先垂故鄉已超忽空庭正燕沒一夕  
復一朝坐見涼秋月河流帶地從來嶮峭路千  
天不可越紅塵早敝陸生衣明鏡空悲潘掾髮  
長安城裏帝王州鳴鐘列鼎自相求西望漸臺  
臨太液東瞻甲觀距龍樓說客恒持小冠出越  
使常懷寶劍遊學仙未成便尚王尋源不見已

封侯富貴功名本多豫繁華輕薄盡無憂詎念  
嫫姚嗟木梗誰憶田單倦土牛歸去來青山下  
秋菊難離日堪把獨焚枯魚宴林野終成獨校  
子雲書何如還驅少游馬

顏之推同賦附

聽秋蟬秋蟬非一處細柳高飛夕長揚明月  
曙塵亂起秋聲參差攪入慮單吟如轉簫羣  
噪學調笙風飄流曼響多含斷絕聲垂陰自  
有樂飲露獨爲清短綫何足貴薄羽不差輕

蟾蜍翳下偏難見  
翡翠竿頭絕易驚  
容止由來桂林苑  
無事淹留南斗城  
城中帝皇里  
金張及許史  
權勢熱如湯  
意氣誼城市  
劒影奔星落  
馬色浮雲起  
鼎俎陳龍鳳  
金石諧官徵  
關中滿季心  
關西饒孔子  
詎用虞公立  
國臣誰愛韓  
王說游士  
紅顏宿昔同  
春花素鬢俄頃變  
秋草中  
賜自有極  
那堪教作轉輪車

盧武陽集卷之二

隋范陽盧思道子行著

明閩漳張燮紹和纂

檄

爲隋檄陳文

告三江之表僞署君臣將帥州郡邑落士民等  
蓋聞上玄垂象列宿拱辰極之忠厚載成形百  
谷指滄溟之大是以三五以降哲王后逮覃  
聲敎大輝威靈日月之所照臨俱荷亭育舟車



之所通泊咸附象輶我大隋積德累功開物成  
務光宅寰海覆幬蒸民虞夏受終顧有慙德湯  
武革命未云盡善滄波已東九譯請吏玉門之  
右萬里無塵諸華冠帶之俗肆勤南畝皮服引  
弓之渠頓顙北關內外禔福區宇懾然皇上垂  
拱巖廊司契而已惟夫太伯之後實號勾吳少  
康之裔是爲於越江界湫湄如掌之陋塗泥所  
集瘴癘自興自昔皇王列壤班瑞春秋之義爵  
不過子在晉永嘉運北數極司馬氏衆無一旅

播越江濱劉蕭已還多歷世祀魏氏奄一神州  
置之度外且西吞巴蜀北據淮淝善人君子可  
以爲國陳霸先下愚小醜品極輿隸屬揚部淪  
胥之日幸梁人殲敗之秋聘其姦回妄自尊大  
等蠻觸之戰爭似鱣鮪之跳躍曩項昏頑賊忍  
不義不慈剝厥猶子竊其僞位蜂蠆非毒谿壑  
易滿事甚楚圍之纓理切吳光之劒國小地狹  
虐用其民坑戮侔於屠伯芟夷過於薙氏加以  
沉迷麴蘖酣醕終朝澆灌取盡夜以繼晝貨賄

公行政刑不立疎棄良士狎近小人守宰蠶漁  
子弟荒暴頭會箕歛杼軸其空災異相仍稻蟹  
不熟江左黎獻戴目而視齊之季世實多涼德  
江淮之間蹙爲瑱有便謂三春易求百年可致  
違卜懷諫黷武窮兵吳明徹程文秀之徒並早  
經行陣粗有風力彼朝上下繫以存立呂梁之  
役貫盈惡稔曾未交綏雲卷霧徹組練塞垣餘  
腥噎水顧眄之頃隻輪不歸及周宣馭曆將一  
淮海荆舒之民奢侈爲怨聊命偏裨拯其荼毒

長江已北若火焚毛是則楊越之地爲陳孤立  
卒斃壤蹙邦羸政塞乘奔無轡譬茲非險坐薪  
待燃方此爲泰司馬消難切荷特私任居連率  
猜狂使酒竊地外犇雲頊背恩棄德是信是使  
引盜納姦無媿無畏天奪其魄憑犯不悛緣邊  
諸城犬羊荐食聖主以軒開萬國屬盡九州一  
隅不庭宜置天討爰詔六軍分關受鉞西徵秦  
隴之銳北引燕代之英五校雄兒超乘俱起三  
河猛士援距爭奮虎夫萬隊豹騎千群並骨勇

肉飛風驟霧合憬彼江黃之衆邊矣彭濮之民  
巨艦高艫順流東指江都壽春之域扼喉撫背  
之兵飛龍赤馬絕水南越漢后昆明未足方其  
訓旅魏王玄武不能比其隸師陳以江湖之泥  
短衣祝髮輕舠利舸便習者多上迷天意下憑  
地險所以舉尾支山怒臂當轅一作轍今荆門銳

卒致命前驅淮南義師賈勇競入揚舠振輝兔  
走鳬飛然則彼之所長我亦兼有我利涉大川  
匪旦伊夕汴郢運艫吳會齎旅東西遏絕通致

無由僞朝軍旅或陳誠款密使相尋最爾危邦  
表裏携貳兼弱攻昧今也其時扛鼎蒙輪之卒  
事均驅兇三禮四義之將俛視韓白正正之旗  
百道俱進並雲移雷動大會金陵牙旂暗山原  
金鼓沸天地呼吸則江漢迴流叱咤則衡疑可  
拔運岱山而壓春卵引渤海而濯秋螢當不足  
等其銷滅譬其齏粉猥以不武謬總戎律上稟  
廟堂之謀下資素飽之氣使張悌之魂先遊北  
斗呂嘉之級遠至新鄉漂櫓溺駭孱然已至亂

麻積莽可爲寒心僞主若天誘其誠去危轉禍  
審青蓋之欲歸知蔣山之應渡銜璧輿視拜手  
轅門則上比吳蜀之君不失公侯之寵陳之百  
辟卿士編戶黔庶有能深識逆順因事立功亦  
當服冕乘軒紆青佩紫疏爵酬庸待以不次王  
者之師全救爲本萬姓毫釐靡所侵軼勉求多  
福無待噬臍檄之所到咸共申省

文苑英華作  
北齊檄陳文

按檄中有齊之季世實多涼德及  
周宣馭曆等語明是隋檄今正之

表

北齊爲百官賀甘露表

竊以河榮洛變授祉於勲華玄玉素鱗降靈於  
湯武其間微禽弱草改狀移形夜宿朝雲星光  
動色皆以照臨下土發揮帝載千祀一致隔代  
同符伏惟陛下上總天維俯握河紀持欽翼之  
小心纂昇平之大業萬靈翹首應三台以西巡  
兩儀貞觀乘六氣而東指雲卿旣出還聞百辟  
之歌河清可俟實得萬人之歎而上玄乃顧神



物荐委飛甘灑潤玉散珠連昔魏明仙掌竟無  
靈液漢武金盤空望雲表豈若神漿可挹流珠  
九戶之前天酒自零凝照三階之下斯實曠代  
祥符前王罕遇休矣美矣皇哉唐哉臣等並邀  
昌運俱沐玄造驟聞秘祉亟覩冥貺振鱗撫翼  
空馳魚鳥之心瘞玉編金方待云亭之后

書

爲高僕射與司馬消難書

消難妻齊神武女爲北豫州刺史文宣  
末歸周歷交州總管隋文帝輔政消難  
舉兵應尉遲迥復歸於陳爲車騎將軍  
及陳平免死卒于家按此書乃隋高  
伐陳時也頻爲  
尚書左僕射

名白一咸雲雨再歷炎涼引領南望勞眷無已  
歲暮寒重想比勝宜羈泊水鄉無乃勤悴公居  
齊室家實元勲後入周朝爵窮直等富貴榮名  
時無與二西征南逝蓋不獲已且聖主敬於恩

舊情期款到背冰之始曲憲申恩公之妻孥一  
無所問行李往來想宜知悉陳氏背盟負約事  
非一緒所以爰詔大將軍襲行天罰靈旗電掃  
師次江陽延首金陵但增翹注昔龐萌重獲漢  
主宥其深辜魏洽再歸曹王璩其大情惜其才  
也今古如一醉飽之過願不自疑兼齊氏王姬  
宛然在室諸子陸陸如何易忘門生故吏遍於  
京輔舊友密親擊鐘鼎食萬里飄然音塵不嗣  
眷言及此伊何可懷今元戎啓行易爲去就承

眷有素敢布腹心若使雙舸浮渡三叛獲濟  
首長安悔無及也

序

從駕大慈照寺詩序

皇帝以上觀統天大明御極彈壓九代驅駕百  
王至德上通澤仁下漏威稜西被聲教東漸布  
政合宮孝儀太室張樂洞野會計苗山天不愛  
寶神靡遺貺鱗羽郊異山澤薦祉華裔率從幽  
顯咸秩八政惟序六府告平猶且棲志宵冥凝  
神空寂俯陋區域顧遺形有救精民於苦器拯  
欲界於危域身心澄淨樂之境生靈仰調御之

力中宮厚德載物正位儷天道冠邵陵業踰發  
姒慧雲朝起四生佇其寸合慈燈夜燠九服照  
其餘光乃瞻參墟實唯唐舊山川周衛襟帶巖  
壘東郊勝地爰構實坊儼若化城瞬如踊出旣  
而景躔西陸氣中南宮商飈振野白露威寒聖  
主御辯巡方順時育物六龍進駕七聖齊軫翠  
旗揚旆雕玉徐輪問百年而拜輦朝萬靈以按  
節熊渠伏飛之輩八參中壘虎殿金門之侶迴  
望屬車將屈下邳遘茲淨域兼悅鷲山之觀共

喜龍宮之遊接足栖心俱展誠敬課虛引寂仍  
發詠歌雖事比擊轅義同叩角亦以雍容盛烈  
述讚休美豈若臬笏文辭南陳男祝王谷蟲篆  
纔譬女工作者二十六人其詞云爾

論

北齊興亡論

或問主人曰往者魏人失御六合雲擾河朔關  
右剪爲二國承熙西遁天平北巡兩朝先主分  
陝而霸龍戰虎爭多歷歲祀旣而水運值竭天  
祿永終齊室比迹於唐虞周人踵武於漢魏齊  
有五帝周易四王並纔踰二紀相繼而滅若其  
元首膺期股肱命世立極補天之業銘常鏤鼎  
之功至於暴君南面孽臣作輔民怨神怒國殄



祀絕易世之由雖傳之耆舊載於史策通人雅  
旨其詳可得聞乎主人應之曰吾少仕齊朝晚  
歸周室因而學業歷茲永久雅好博古雖欲擬  
議近世治亂粵可略陳在魏正光牝雞司旦爾  
朱榮乘釁內興滔天泯夏餘燼跋扈挺禍王城  
海內生民若崩厥角齊高祖神武皇帝天縱英  
明之畧神挺雄武之才龍攄虎變投袂而起四  
明昆弟大會韓陵怒蚩尤風雨之兵若新都屏  
象之陳彼曲戎直天實贊之日未移晷大殲醜

族然後授立宗故入蔡皇統羣后成務天下晏  
如但苾刺成災震還爲梗居鄭汭疵去而不入  
遷鼎舊鄴國命惟新朝章國憲燦然畢舉渭南  
失律似烏林之喪師洛北先鳴同官渡之凱入  
維天命有歸而盡於北面方之魏武具體而微  
文襄嗣業始踰弱冠環傑之氣足稱負荷賓禮  
時秀驅駕羣雄內外肅清朝無糝政侯景背恩  
棄義狼顧汝穎蕭衍失信幸災蟻聚彭汴於是  
謀臣運策猛士推鋒渦湯之役寬渠足馬南逝

寒山之戰吳卒隻輪不反王思政入掩長安淹  
歷歲時神旗颯臨如風掃籜三秦勅敵閉關自  
守五湖之長革音請命魏孝靜以天歷有在鼎  
祚將遺大禮備物率由舊典允恭克讓推而弗  
居禍生非慮七首竊發爾其夷凶剪暴剛斷英  
峙天崩地析空構闕如嗣子幼冲未堪多難文  
宣雖云外弟少乏令名人望所歸便見推奉于  
時政有彛倫朝多後又爪牙皆韓白之伍心腹  
盡良平之儔小謗方隅內康庶績主之不才四

弗之覺也。洎乎受終文祖，燦天收物，兵強地  
廣，國富刑清，發號施令，必師古始，信賞必罰，如  
有四時。年穀屢登，災害不作，敵人竄迹，郊境無  
虞。天保受命，迄於五祀，黃初泰始，不能遠尚。爰  
及中年，誕縱昏德，以萬乘之貴，爲長夜之飲，散  
髮視朝，肉袒聽政，手行剗剔，躬運矛鉞，寵御倨  
諛，親愛凡鄙，出入市廛，遊走衢路。太保高隆之  
佐命元功，廟廊上宰，僕射高德，政龍潛賓友，帷  
幄重臣，衛尉卿杜弼，碩學偉才，拔萃出類，光祿

大夫元景風流儒雅師範縉紳或赤族見誅或  
丹頸爲戮並直言竊歎斃於讒口自餘名士良  
臣非罪遭命淫刑以逞不可殫言劉曹以還逮  
於僭僞受命稱帝未有若斯之慘者也賴有尚  
書令弘農楊遵彥魏太傅津之子也含章秀出  
希世偉人風鑑俊朗體局貞固學無不縱才靡  
不通裴樂謝其清言應劉媿其藻麗溫良恭儉  
讓恕惠和高行異才近古無二有齊建國便預  
經綸軍國政事一人而已詰旦坐朝諮請填奏

千端萬緒令謂如流剖斷部領選舉人物滿室  
盈庭永無凝滯虛襟泛愛禮賢好事聞人之善  
若已有之智調有餘尤善當世潛言屢入時寄  
無改每乘輿四巡恒守京邑凡有善政皆遵彥  
之爲是以主昏於上國治於下朝野貴賤至於  
今稱之俄而文宣不豫弊於趨疑孽儲君繼體  
纒歷數旬近習預權小人並進楊公慮有危機  
引身移疾幼主若喪股肱固相敦勉乾明之始  
難起戚藩變成忍殞於殿省詩云人之云亡

邦國殄悴君子是以知齊祚之不昌也孝昭地  
乃密親位居元輔有姬公之戚無復子之心亦  
由主弱時艱慮深家國當陽正位事出權道身  
長入尺腰帶十圍沈深謹厚實有君人之望時  
甲卒強盛財力殷阜乃睠西顧恒有吞噬之心  
兼以天保之後懲其淫縱不邇聲色不事晏遊  
孝於太后篤於昆季慎惜名器愛養黎元後庭  
嬪嬙皆是藩邸之舊數不盈十竟無私寵特解  
吏事尤好禮容但政苛碎暗於聽受降年不永

期歲而崩大漸唯幾黜其元子武威母弟之親  
入主宗祏而少稟凶德不孝不仁龍攢在殯淚  
不承臉太后之喪亦不哀哭纔及公除便衣縫  
裘縱侈荒淫不知紀極甘酒嗜音夜以繼晝有  
和士開者素出和氏之庶孽其面目亦似胡人  
輕薄凡猥爲衣冠所棄武威在田之日引爲參  
將開好彈胡琵琶亦解歌舞一面之後便大相  
愛悅恒在臥內同食共寢滯穢之事無所不爲  
天保之世文宣知其如此頓鞭二百徒配長城



後遇赦得還武成爲右丞相久別得還恩盼愈  
厚信宿之間賞賜巨萬及踐大位親顧彌隆爰  
自黃門漸至端右盡景娛侍畧不休停就令暫  
出便追騎相尋士開作威作福略無顧憚恩寵  
勢望燠灼朝野恣性貪淫人倫少例心如豁壑  
行均犬豕甲第當衢侔擬公室富商大賈朝夕  
盈門朝士無賴者亦競相諂媚或送婢妾或進  
子女筐篚苞苴烟豕波屬士開葬母傾朝追送  
諂諛尤甚者至悲不自勝澆薄邪佞愛踰弟兄

名賢素士略不更言其所薦延奏無不遂榮枯  
進退定於俄頃於時下陵上替奔競成習士無  
貴賤風節頓盡趙彥深阿諛順旨俛首懷祿元  
文遙器能先兒不敢措言此外羣官靡衣媮食  
齊室大壞其源始於此河清之末長彗爲災太  
史奏言須用攘救武成便自稱太上傳位後主  
胡長粲以從舅之親馮子琮以姨夫之戚俱受  
寄託並當樞要或性識庸近或意懷險薄皆不  
學無術智能淺短及天統末年武成卽世和士

開一相處內自擬伊周太尉錄尚書事趙郡王  
叔明德茂親聰爽俊悟藩王之內時望隆重以  
士開凶醜宜加屏黜入踐青蒲讜言規諫而少  
主聰察不類咸昭毋后才明異於馬鄧士開禮  
於疎行長粲爲其謀主遂使密戚賢王絞縊以  
戮雖遐邇胥忌愚智同憤而依托城社末如之  
何數載之間肆其穢行與馮子琮夫婦鬻獄賣  
官三家府藏賄貨山積凶愚子弟並處高資更  
相貨易擇而後授司徒瑯琊王儼年甫十四兼

領憲司憤其尸焉切齒忿咤執送南臺異其身  
首于塚以搆扇兩端一時依法二凶俱勦朝野  
晏清京師市里儕蹈成羣衆董之慶不足斯比  
瑯邪心實去惡跡乃陵上不容於時俄而賜盡  
自茲已後政道彌昏高阿那以牧圉之勤重其  
倂媚韓長鸞以鞢組之能悅其趨走又有女奴  
陸氏出自掖庭因智狡昇舉世無足以保母之  
恩特見尊寵六宮謂之世師人主以爲內相舞  
弄王法淹塞天聰慶賞威刑出於婢口頽累第

姪布於列位帝戚皇支不能及也陸子駱提婆  
者出於皂隸本是韃工愚暗庸短僅辯菽麥與  
韓高之徒共持國柄宣滌肆暴甚於和氏窮極  
富貴轉日迴天愚薄之倫折枝舐痔輕者進貨  
賂甚者緒婚姻朝廷混然無復廉耻清貞守道  
更被嗤恠漢世張趙不能喻其萬一晉朝賈郭  
未足比其錙銖計律明月屬鏤之錫寃動天地  
雀季舒龍逢之戮而切幽明加以內參年少閑  
宦之屬親狎寵私盈滿宮禁干預政事剽掠生

民黔首呼嗟以爲歲其反道違常速亡趨滅  
事非一緒不可勝陳後主自生宮闈長於尼媼  
不接端士不見正人朝夕諮諏罕聞調護之客  
便煩左右莫匪刀鋸之餘飛鷹走狗蕩其心慮  
麗色淫聲亂其耳目論功德者云羲軒無以尚  
述欽明者稱堯舜不能踰才智之士棄而不任  
假有名級備員而已憲章綱紀蕩然無餘魚爛  
土崩以俟勃寇周武大捷平陽乘虛深入將有  
降心士無鬪志前世耿賈之雄俛睂頓顙先朝

魏虎之銳歛氣重足舉晉陽如拾芥攻鄴宮猶  
振槁萬里百城交臂屈膝南極江淮北盡砂塞  
西界函谷東至滄溟府帑粟帛之饒兵革士民  
之衆齊之所畜盡爲周有不亦哀哉

盧武陽集卷之三

隋范陽盧思道子行著

明閩漳張 燮紹和纂

論

後周興亡論

周太祖文皇帝幼而機警智數過人屬魏末多  
故召募關隴值二將相屠三軍未一見推爲主  
遂握兵符俄而魏武西巡奉迎車駕挾天子以  
會諸侯萬世所一時也撫養荒餘鳩聚兵甲同



心之旅不滿萬人齊神武以大兵數十萬將清  
湖漣雷動雲移萃於渭曲太祖以數千獍卒振  
旅而還遂基王業寶泰以勁兵深入一戰喪元  
高敖曹以銳氣先登臨陣受首兵革歲動敗鮮  
勝多高氏雖怙其衆力莫敢先至邗山之舉我  
師敗績收合亡散退守有餘及蕭氏將亾邊服  
震擾荆郢內附庸蜀來王器械完整貨財充實  
帶甲百萬驍將如林晏駕之辰國與齊人相埒  
矣閔帝以嫡嗣承基應天納禪弱齡厭世未及

稱皇以庶長子。立慕我鴻緒。從容文雅。亦守文之良主焉。二帝景仰不融。高祖始登大位。於時大冢宰晉公宇文護。太祖之猶子也。負圖作宰。親受顧命。國柄朝權。頓去王室。高祖高拱深視。彌歷歲年。談議儒玄。無所關預。祭則寡人。晉公之不忘也。但自下裁物。其主不堪累世。權強一朝。折首其於黨與。咸見夷戮。惡禽梟物。掃地無餘。爾乃棄奢淫。去浮僞。施一德。布公道。屏重肉之饕躬。大布之衣。始自六宮。被於九服。令行禁

止內外肅然以釋氏立教本貴清淨近世以來  
靡費財力下詔削除之亦前王所未行也值齊  
季失德取亂侮亡親御戎軒再舉而滅軍令肅  
然秋毫莫犯數旬而定不戮一人未及下車革  
其弊政山東士女欣戴如歸但天性嚴忍果於  
殺戮血流盈河無廢飲噉行幸四方尤好田獵  
從禽於外非夜不還飛走之類值無免者識者  
以此少之雖有武功未遑文德彝章禮教蓋闕  
如也練甲治兵前掃沙漠遠圖不遂暴疾升遐

宣帝初在東宮已多罪次高祖每加嚴訓不能  
修改嗣位之初飾節自勵踰年已後變態轉興  
耽酒好色常居內寢角抵逸遊不捨晝夜分命  
使人徵求千玉積之後宮以千萬數此石虎之  
淫風也寵姬四人並立爲皇后車服節文與內  
主無別此劉聰之亂政也少在儲宮頗覽經籍  
臨朝對衆亦有精神但稟猜狂特好詭異衣冠  
形色皆與舊制不同文武侍臣屏棄遐裔內外  
門閤皆別令宦者看守出入去求並錄其數殿

省以目相視然朋淫於家無所簡擇乃至長樂  
亦有醜聲大象之末忽焉慘虐鞭撻朝士動至  
數百背及胸腹一時下手楚毒之理不可忍見  
祖宗廟號諱不得稱變易官名回官姓族車乘  
輪輻並有貴賤之殊婦女粧點亦爲上下之異  
後庭嬪妾房司數人自旦至夕恒令危坐相對  
有不如法便卽誣楚內外命婦朔望朝謁皆令  
爲丈夫拜伏以示屈辱自號爲天不復稱朕此  
外小事異同不可勝紀狂惑妖僻開闢未之有

也客曰齊武虎慙庸暗怨結人紳厥嗣不昌  
理則然矣周祖聰明神武冠世雄奇因愚子以  
至顛覆豈人事乎抑天道也蒙有惑焉請聞其  
說主人曰寒暑晦明二儀之不同也賢愚治亂  
五勝之相形也是以酒池肉林乃周王之締構  
坑儒滅學亦漢后之驅除齊自天保受終迄於  
武平喪國孝昭之外竟無令主河清已後國基  
漸墜昏主慢遊於上黎民怨讟於下逮於末葉  
君弱臣愚外崩內潰周人取之猶坂上走丸也

周武任數矩

疑

情果敢雄斷擁三秦之銳屬攻

昧之秋削平天下易同俯拾未及三祀宮車晚  
駕嗣子披猖肆其凶慝真人革命宗廟爲墟此  
蓋天所以啓大隋非不幸也

勞生論

莊子曰大塊勞我以生誠哉斯言也余年五十  
羸老云至追惟昔勤矣厥生乃著茲論因言  
時云爾

罷郡屏居有客造余者少選之頃盱衡而言曰  
生者天地之大德人者有生之最靈所以作配  
兩儀稱貴羣品妍蚩愚智之辯天懸壤隔行已  
立身之異入海登山今吾子生於右地九葉卿  
族天授俊才萬夫所仰學綜流略慕孔門之游



夏辭窮麗則擬漢日之卿雲行藏有節進退以  
禮不諂不驕無愠無懌偃仰貴賤之間從容語  
默之際何其裕也下走所欣羨焉余莞爾而笑  
曰未之思乎何所言之過也子其清耳請爲左  
右陳之夫人之生也皆未若無生在余之生勞  
亦勤止紈綺之年伏膺教義規行矩步從善而  
登巾冠之後濯纓受署纒鑠仁義籠絆朝市失  
翹陸之本性喪江湖之遠情淪此風波溺於倒  
瀾憂勞總至事非一緒何則地胄高華旣致嫌

於管庫才識美茂亦受歟於愚庸篤學強記藝  
瞽於焉側目清言可瀉木納所以疚心豈徒蠱  
惜春漿鴟恡腐自相江都而永歎傳長沙而不  
歸固亦魯值武倉楚逢靳尚趙壹爲之哀歌張  
升於是慟哭有齊之季不遇休明申脰就鞅屏  
迹無地段珪張讓金貝是視賈謐郭淮腥臊可  
饕淫刑以逞禍近池魚耳聽惡來之讒足踐龍  
逢之血周氏末葉仍值僻王歛笏升階汗流浹  
背莒客之踵躋焦原匹茲非險齊人之手執馬

尾方此未危若乃羊腸句注之道據鞍振策武  
落雞田之外櫛風沐雨三旬九食不敢稱億此  
之爲役蓋其小小者耳今泰運啓開四門以穆  
晃旒司契於上夔龍佐命於下岐伯善卷馳狗  
幽憂卞隨務光悔從木石余年在秋方已迨知  
命情禮宜退不獲晏安一葉從風無損鄧林之  
攢植雙鳬退飛不虧渤澥之游泳耕田鑿井晚  
息晨興候南山之朝雲擘北堂之明月汜勝九  
穀之書觀其節制崔寔四時之令奉以周旋晨

荷簑笠白屋黃冠之伍。談穀稼霜體塗足之  
倫。濁酒盈罇。高歌滿席。恍兮惚兮。天地一指。此  
野人之樂也。子以是羨余乎。客曰。吾子之事  
既聞之矣。佗人有心。又請論其梗槩。余答曰。雲  
飛泥沉。卑高異等。圓行方止。動息殊致。是以摩  
霄運海。輕巖羅於藪澤。五衢四照。忽并芥於山  
林。余晚值昌辰。遂其弱尚。觀人事之隕獲。觀時  
路之遭厄。玄冬修夜。靜言長想。可以累歎悼心。  
流涕酸鼻。人之百年。脆促已甚。奔騎流電。不可

爲辭顧慕周章數紀之內窮通榮辱事無足道  
而有識者鮮無識者多褊隘凡近輕險躁薄居  
家則人面獸心不孝不義出門則諂諛讒佞無  
愧無耻退身知足忘伯陽之炯戒陳力就列棄  
周任之格言悠悠遠古斯患已積迄於近代此  
蠹尤深范卿爲讓之風措紳不嗣夏書昏墊之  
罪執政所安朝露未晞小車盈董石之巷夕陽  
且落阜蓋填閭竇之里皆如脂如韋俯僂匍匐  
噉惡求媚砥礪自親美言諂笑助其愉樂詐泣

傾哀憫其步。近通市酒。遠貢文蛇。艷姬美女。  
委如脫屣。金銑王華。棄同遺跡。及鄧通失路。  
簪之賄無餘。梁冀就誅。五侯之貴。將起向之求。  
官買職。晚得晨趨。刺促望塵之舊。遊伊優上堂。  
之夜。客始則亡魂褫魄。若牛兄之遇獸。心戰色  
沮。似葉公之見龍。俄而抵掌揚眉。高視闊步。結  
侶棄廉公之第。携手哭聖卿之門。華轂生塵。來  
如激矢。雀羅雙設。去等絕絃。飽蜜非甘。山川未  
阻。千變萬化。鬼出神入。爲此者皆衣冠士族。或

有藝能不耻不仁不畏不義靡媿友朋莫慙妻  
子外呈厚貌內蘊百心繇是則紆青佩紫牧州  
典郡冠幘劫人厚自封殖妍歌妙舞列鼎撞鐘  
耳倦絲桐口飫殄旨雖素論以爲非而時宰之  
不青末俗蚩蚩如此之敝余則違時薄宦屏息  
窮居甚耻馭馳深畏乾沒心若死灰不營勢利  
家無儻石不費襄錢偶影聯官將數十載駑拙  
致笑輕生所以告勞也真人御宇斲雕爲朴人  
知榮辱特反邑無風力上宰內敷文教方邵重

臣外揚武節初之大道洽以淳風舉必以才  
無濫授稟斯首鼠不預衣簪阿黨比周掃地俱  
盡輕薄之儔滅影竄迹礫石變成瑜瑾莠莠化  
爲芝蘭曩之弱俗攪時駸耳穢目今悉不聞不  
見莫余敢侮易曰聖人作而萬物覩斯之謂乎



誄

廬記室誄

齊正統二年秋七月司徒記室參軍事永安鄉  
男范陽盧詢祖卒先民有言惟德可久抑又聞  
之惟名爲壽爾之無祿沒而不朽乃援弱翰告  
哀良友遂作誄曰

皇虛眇邈師緒蟬聯大儒漢世名公魏年司徒  
藹藹撫翼冲天尚書疊疊亦稱象賢若人擢秀  
絕後光前發榮隨浦韞耀春田爰在弱齡孤根

迥立內無怙恃外寡朋執行有餘力藝無不習  
善價斯待香名允集下學上達鑽幽洞微九流  
百氏異軫同歸文成鐘律韻響珠璣麗詞泉涌  
壯思雲飛雄州擢第言割其楚我實衰然觀國  
而舉自茲不調多歷年所游泳儒玄從容嘿語  
納於大麓崇定府朝八紘所掩車乘翹翹我有  
明德乃應嘉招也自幕下來儀鳳條應徐並轍  
潘顧齊鑣聲華簪帶響動朋僚逖矣江陰承風  
請朔壯生喻清季子觀樂立朝所寄俊才優

懸河自口靈步。正握乃參軍事仍贊中鉉大冲  
所縻德施攸踐同推麗則俱謝蟲篆何才之高  
何位之鮮天下。上也宜享多福豹變其文鴻漸  
於陸神之聽之於何不淑營魄遂往音儀在月  
嗚呼哀哉昔余與子分重契深譬諸投漆如彼  
斷金余慕大隱子惟陸沉等趨宮閣並綴衣簪  
春臺共踐秋水偕臨還馬齊轡出蓋連陰良書  
濁酒永嘯長吟美言俱贊關行同箴娛樂未幾  
嶮阻相尋忻旣無極憂亦難任云胡不吊。亡我

知音百年已矣萬事傷心嗚呼哀哉亭伯君山  
並嗟湮滅荀粲王壽同悲天折蘭菊無墜鐘鼓  
不絕之子云亡何愧前烈靈衣襲几奠酒盈杯  
故庭飛籜虛帳凝埃僕流離而涕泗驟顧慕以  
遲迴出南陽之舊道掩北邙之夜臺趙卿之銘  
已勒滕公之隄未開臨象設而不回詎幽魂之  
可來嗚呼哀哉

祭文

祭灤湖文

維開皇元年十二月朔甲子具位姓名遣某官  
以清酌庶羞之饋敬祭灤湖之靈曰泱泱澄湖  
商服之紀斜通海甸旁帶江汜深過百仞潤踰  
九里彭蠡莫儔其區非擬揚越不庭多歷年紀  
王師薄伐六軍戾止戒期指日馬首欲東常陰  
作沴零雨其濛水氣朝合天雲夜同申之若霧  
繼以嚴風塗泥已甚軌躅不通有稽天罰用沮

元戎唯夫百神受職水靈爲大皇王御宇率土  
無外當使日月貞明天地交泰雨師並其淋瀝  
雲將卷其蔚蒼東渡戈船南聳雕旂駘佗之  
黃屋納孫皓之青蓋然後革車旋軫瓊卒凱歌  
楚俘霧集冀馬星羅無德不報有酒如河神之  
聽之斯言匪訐

文

遼陽山寺願文

齊興二十有三載區宇又安列聖重光百神受  
職天平地成禮諧樂暢劍戟亾鑄江海無波皇  
帝體膺上哲運鍾下武以至德字黔首大明臨  
赤縣深仁俯濟惠化潛通煥鏡六幽照蘇八表  
唐旌已立芻輿不遠而至殷網既開宵翹咸遂  
其所壇凝休氣渚幕榮光立屆告符翠琰啓錄  
阿閣朝誼棘林夜靜西琯協律南園迎神衣氣

操龜之俗懷音請吏反踵修股之渠膜拜空首  
四海懾然中外禔福慰候無警書軌大同猶以  
爲負展垂旒人世微業功成治定域中小道投  
心覺海東意玄門手執明珠頂受甘露調御天  
人不徇巖廊之重明行具足寧屑裘冕之尊乎  
力四心東漸西被日月出矣風雨潤之屠門鮑  
肆化成嚴淨之所蜉蝣蟪蛄綱於仁壽之域參  
墟奧壤王迹所基密都是宅別館攸在襟帶逕  
長原陸爽秀高嶽鬱起作鎮東偏峰羅羣玉驚



頭之狀非美利列三珠籙足之形可匝洞穴條  
風生和雅之曲圓珠積水流清妙之音于時玉  
燭調年金商在律職方具禮効駕西巡六龍齊  
轡七萃按部雷動星移凝鑾佇蹕乃建仁祠于  
彼勝地成之不日旣麗且康昔周夜初明漢池  
云繫事隔荒裔道若存亾哲王馭曆弘濟區宇  
前聖後聖旦暮爲期以此勝因仰爲武成皇帝  
及清廟聖靈願西遇彌陀上征梵率雄視三界  
高臨四衢百年之神俯輕羣后一音所導遠同

佛日皇太后福踰姜水祉邁塗山壽比太陰業  
均厚載聖主齊明兩曜合德二儀受錄錯於靈  
河開金簡於仙嶽龍官鳥紀未可匹其光太象  
天任地焉能喻其長久皇太子德茂元良道高  
上嗣牢籠啓誦孕育莊丕六宮眷屬諸王昆弟  
皆智慧莊嚴上華松茂永侍披香長固磐石以  
茲博利被於萬品當使法界虛空生靈動植俱  
沐定水同蔭法雲斯誓或差無取正覺

附錄

盧思道傳

唐魏徵

盧思道字子行，范陽人也。祖陽烏，魏秘書監。父道亮，亮隱居不仕。思道聰爽俊辨，通脫不羈。年十六，遇中山劉松，松爲人作碑銘，以示思道。思道讀之多所不解，於是感激閉戶讀書，師事河間邢子才。後思道復爲文，以示劉松，松又不能甚解。思道乃喟然歎曰：「學之有益，豈徒然哉！」因就魏收借異書，數年之間，才學兼著，然不持操行。

好輕侮人齊天保中魏史未出思道先已誦之  
由是大被笞辱前後屢犯因而不調其後左僕  
射楊遵彥薦之於朝解褐司空行參軍長兼員  
外散騎侍郎直中書省文宣帝崩當朝文士各  
作挽歌十首擇其善者而用之魏收陽休之祖  
孝徵等不過得三首唯思道獨得八首故時人  
稱爲八米盧郎後漏洩省中語出爲丞相西閣  
祭酒歷太子舍人司徒錄事參軍每居官多被  
譴辱後以擅用庫錢免歸於家嘗於薊北悵然

感慨爲五言詩以見意八以爲工數年復爲京  
畿主簿歷主客郎中事黃門侍郎待詔文林館  
周武帝平齊授儀同三司追赴長安與同輩陽  
休之等數人作聽蟬鳴篇思道所爲詞意清切  
爲時人所重新野庾信徧覽諸同作者而深歎  
美之未幾以母疾還鄉遇同郡祖英伯及從兄  
昌期宋護等舉兵作亂思道預焉周遣柱國宇文  
神舉討平之罪當法已在死中神舉素聞其  
名引出之令作露布思道援筆立成文無加點

神舉嘉而宥之後除掌教上士高祖爲丞相遷  
武陽太守非其好也爲孤鴻賦以寄其情開皇  
初以母老表請解職優詔許之思道自恃才地  
多所陵轍由是官塗淪滯旣而又著勞生論指  
切當時歲餘被徵奉詔郊勞陳使頃之遭母憂  
未幾起爲散騎侍郎奏內史侍郎事于時議置  
六卿將除大理思道上奏曰省有駕部寺留大  
僕省有刑部寺除大理斯則重畜產而賤刑名  
誠爲未可又東<sup>北</sup>庭非<sup>知</sup>罰之所朝臣犯笞罪

請以贖論上系嘉納之是歲卒於京師時年五  
十二上甚惜之遣使平祭焉有集三十卷行于  
時子赤松於大業中官至河東長史

史臣曰二三人有齊之季皆以辭藻著聞爰歷  
周隋咸見推重李稱一代俊偉薛則時之令望  
握靈蛇以俱照騁逸足以並驅文雅縱橫金聲  
玉振靜言揚摧虛居二子之右李薛紆青拖紫  
恩道官塗寥落雖窮通有命抑亦不護細行之  
所致也



齊黃門侍郎盧思道碑

唐張說

有齊黃門侍郎范陽盧公諱思道字子行涿州人也其先姜姓世胙東海別爲盧氏家于北燕自漢世中郎將植至侍中陽烏徵君之子稟天靈傑承家令軌清明虛又磊落標奇言不詭隨行不苟合遊必英俊門無塵雜至於求已勵學深道覬奧思若泉涌文若春華精微入虛無變化一作合飛動斯固非學徒竭才仰鑽之所逮也事齊歷散騎侍郎以翰林直中書中廢復進



至給事黃門侍郎待詔文林館武平末天子總  
兵禦寇太子監國于晉陽公留綜宮朝兼典樞  
密及皇興敗績於外而百寮蕩析於內公節義  
獨存侍從趣鄴告至行賞授儀同三司入周除  
御正上士定省歸郡郡人祖英伯作難公脅在  
其旅幽都旣平玉石將燎賴元帥宇文神舉以  
舊有令聞引謁因命草露板立就駭其麗異其  
敏釋於齊斧之下墜于郡士之上除掌教上士  
隋高祖之爲丞相也遷武陽太守以母老乞解

職優詔許之。後徵爲散騎侍郎奏內史郎事。  
隋開皇六年春秋五十有二終於長安反葬故  
里。凡更臣三代易官十七再降一免二去職八  
平除擢遷者以而已。公處屯安貞賦詩頽飲視  
得失蔑如也。臨難無懾在黜無愠危不去主仕  
不違親休明有賓禮之盛顛覆無淪胥之禍其  
大雅者歟。夫禮義損益公能言之故與熊安生  
詳定齊禮三墳五典公能讀之故與薛道衡侍  
學諸后公國華人望光照鄰邦故所居之朝應

對賓客脩辭抗議允執其中故青瑣黃縑二代  
咸掌大名之下豈誣也哉昔仲尼之後世載文  
學魯有游夏楚有屈宋漢興有賈馬王楊後漢  
有班張崔蔡魏有曹王徐陳應劉晉有潘陸張  
左孫郭宋齊有顏謝江鮑梁陳有任王何劉沈  
謝徐庾而北齊有溫邢盧薛皆歷代一作應世翰林  
之秀者也吟咏情性紀述事業潤色王道發揮  
聖門天下之人謂之文伯於戲國有校家有塾  
祿位以動風雅並存然千數百年羣心相尚竟

稱者若斯之魚矣才難不其然乎然則飛黃  
聘百轡遺路鷗鵬六通萬翼無階文士擅名當  
時垂聲後代亦三乎才力之絕衆故爾開皇以  
來百三十餘載天贊唐德生此多士公之玄孫  
曰藏用濟美文館重祿黃門永惟衣冠子孫邑  
里多改先人封樹歲久將平乃假詞菲才刊石  
表祔庶乎涉齊地者不薪柳惠之隴過邢山者  
無惑子產之墓至矣乎盧氏之子其用心也遠  
矣銘曰

或或黃門實天生德才蓋一世榮聞四國文王  
既沒文在人弘公爲宗匠當朝與能龍躍春霽  
鳳鳴朝昇或頌或變或雅或承理以神合聲以  
妙徵高視睢渙與君代興人之云亾十有一紀  
斯文未喪施于孫子新作豐碑德音不已

遺事

邢子願目二盧云所祖有規檢禰衡思道無冰

稜文舉

北齊書

盧思道直中書省楊愔問思道曰此日多務都  
不見崔瞻文藻卿與親近理當相悉思道曰瞻  
文詞之美但舉世重其風流所以才華見沒

北齊書

元行恭少頗驕恣文遙令與盧思道交游嘗謂  
思道云小兒比日微有所知是大弟之力然白

擲劇飲甚得師風思道答云郎辭情俊邁自是

克荷堂構而白擲劇飲亦天性所得

北齊書

魏高祖山陵既就詔魏收祖孝徵劉逖盧思道  
等各作挽歌詞十首楊遵彥詮之魏收四首祖  
劉各二首被用而思道獨取八首故時號八詠  
盧郎思道嘗在魏收席舉酒勸劉逖收曰盧八  
勸劉二邪李情亦戲之曰盧八問訊劉二逖銜  
之及情後坐事被散漢逖戲之曰高槌兩下熟  
鞭一百何如言問訊劉二時

啓顏錄

北齊盧思道<sup>陳</sup>陳主令朝貴設酒食與思道  
宴會聯句作詩有一人先唱方便譏刺北人云  
榆生欲飽漢草長正肥驢爲北人食榆兼吳地  
無驢故有此句思道援筆卽續之曰共甕分炊  
水同鑊各煮魚爲南人無情義同炊異饌也故  
思道有此句吳人甚愧之

談  
薈

衛尉卿杜臺卿共中兵叅軍崔儵握槊十子成  
都止賭一雉盧思道曰翳成都不過一雉儵又  
謂思道曰昨夜大雷吾睡不覺思道曰如此震



雷不能動蟄太子詹事盧叔虎有子十人大者  
字畜生最有才思思道謂人曰從叔有才子皆  
不及畜生叔虎主客郎中澤之孫也散騎常侍  
辛德源謂思道曰昨作羗姬詩惟得五字云阜  
陂垂肩井苦無其對思道尋聲曰何不遵黃物  
插腦門思道常謂通直郎封孝騫曰卿旣姓封  
是封豕之後騫應聲曰公旣姓盧是盧令之裔

談  
藪

薛道衡以醴和麥粥食之謂盧思道曰禮之用

和爲貴先王之道斯爲美思道答曰知和而和  
不以禮節之亦不可行也

談藪

盧思道嘗共壽陽庾知禮作詩已成而思道未  
就禮曰盧思何太春日思道答曰自許編苦疾  
嫌他織錦遲

啓顏錄

思道初下武陽入京內史李德林向思道揖思  
道謂人曰德林在齊恒拜思道今日官高向雖  
拜乃作跪狀思道嘗在賓門日中立德林曰何  
不就樹蔭思道曰熱則熱矣不能林下立

思道爲周齊興亡論周則武皇宣帝悉有惡聲  
齊高祖太上咸無善譽思道嘗謁東宮東宮曰  
周齊興亡論是卿作不思道曰是東宮曰爲卿  
君者不亦難乎思道不能對

啓顏錄

隋文帝以徐陵辨捷訪朝官誰可對使當時舉  
思道帝甚喜卽詔對南使朝官俱往徐陵遙見  
思道最小笑曰此公甚小思道遙應曰以公陪  
臣不勞長者須臾生定徐陵謂思道曰昔殷遷  
頑人本居茲邑今存併是其人思道應聲曰昔

永嘉南渡盡居江左今之存者唯君一人衆皆

大笑

啓顏錄

隋令思道聘陳博主敕在路諸處不得共語致令失機思道既渡江過一寺諸僧與思道設亦不敢有言只供索飲食而已於是索蜜浸益智勸思道嘗之思道笑曰法師久服無故何勞以此勸人僧既違敕失機且懼思道至陳手執國主陳主既見師道因用觀世音經語弄思道曰是何商人齋持重寶思道應聲還以觀世音經

報曰忽遇惡風漂墮羅刹鬼國陳主大慙遂無

以對

啓顏錄

盧思道常曉醉於省門見從姪賁賁曰阿父何處飲來淩晨鬼戕思道曰長安酒二百價不鬼

戕何鬼戕

談藪

集評

邢邵盛譽盧思道以詢祖爲不及詢祖曰見未能高飛者借其羽毛知逸勢冲天者剪其翮翮

北齊書

盧思道詩世以爲工明皇自蜀回登勤政樓歌曰庭前琪樹已堪攀塞北征人竟未還此思道

歌詞也

歷代  
吟譜

盧思道從軍行薛道衡豫章行音響格調咸自停勻體氣丰神尤爲煥發詩藪